




Vedtekter i kommunale barnehagar i Sunnfjord kommune - revidering

Formannskapet 13.11.2025



INNSPEL

- 13 Innspel
- Copilot

Paragraf	Tal høringsinstansar som har kommentert
§ 3. Medverknad	1
§ 4. Barnehageplass	12
§ 5. Rett til barnehageplass	1
§ 6. Barnehageopptak	4
§ 7. Opptakskrets	11
§ 11. Endring av barnehageplass	3
§ 13. Betaling for barnehageplass	7
§ 14. Opningstider og ferie	11
§ 15. Arealnormer	11
§ 16. Tilsetjing og drift	1



BARNET SITT BESTE

- **Copilot**
- **Kriterium som ligg til grunn av vurderinga:**
 - Barnehagelova, rammeplanen, barnekonvensjonen
 - Prinsipp: Omsorg, medverknad, inkludering og likeverd, utvikling og læring, rettstryggleik og føresetnadar
 - §§ 1, 3, 8, 10, 14, 16
- **Barnet sitt beste**
 - Omsorg, leik, allsidig utvikling, individuell tilpassing og inkludering, medverknad, prioritet barn med særleg behov, helsefremmande og førebyggjande, tryggleik og rettstryggleik, overgang til skule
- **Potensielle utfordringar**
 - Permisjon og tap av plass, opptak etter skjønn, opningstider og sommarstenging, oppseiing og betaling
- **Godt forankra i barnehagelova og støttar barnet sitt beste gjennom:**
 - Rett til medverknad
 - Prioritering ved opptak
 - Fokus på leik, omsorg og utvikling
 - Rettstryggleik i opptak og klageprosessar





LOVER OG FORSKRIFTER

Barnehagelova

Rammeplan for barnehagens innhald og oppgåver

Forskrift om pedagogisk bemanning og dispensasjon i barnehager

Forskrift om foreldrebetaling i barnehager

Forskrift om tildeling av tilskudd til private barnehager

Forskrift om saksbehandling ved opptak i barnehage

Forskrift om politiattest i barnehager


Forskrift om ansvar for spesialpedagogisk hjelp for barn under opplæringspliktig alder

Forskrift om godkjenning av yrkeskvalifikasjoner for styrer og pedagogisk leder i barnehage frå annen stat

Forskrift om regnskapsplikt mv. for private barnehager (økonomiforskrift til barnehageloven)

Forskrift om helse og miljø i barnehager, skoler og skolefritidsordninger

VEDTEKTENE I KOMMUNALE BARNEHAGAR I SUNNFJORD KOMMUNE



§ 1. FØREMÅL OG VERKEOMRÅDE

- **Innspel: 0**
- **Vurdering av barnet sitt beste:**
 - Omsorg
 - Leik
 - Allsidig utvikling
 - Helsefremmande og førebyggjande funksjon
- Administrativ endra ordlyd

Barnehagen skal samarbeide med heimen for å ta vare på barna sine behov for omsorg og leik. Samtidig skal barnehagen støtte barna si læring og danning, slik at dei får utvikle seg på ein allsidig måte.

Barnehagen skal bygge på viktige verdiar frå kristen og humanistisk tradisjon. Det handlar om respekt for menneskeverdet og naturen, fridom til å tenke sjølv, nestekjærleik, tilgjeving, likeverd og solidaritet. Desse verdiane finst i ulike religionar og livssyn, og dei er forankra i menneskerettane.

Barna skal få oppleve skaparglede, undring og lyst til å utforske. Dei skal lære å ta vare på seg sjølv, kvarandre og naturen.

Barna skal utvikle grunnleggjande kunnskap og ferdigheiter. Dei har rett til å vere med å påverke kvardagen i barnehagen, tilpassa alder og føresetnadar.

Barnehagen skal møte barna med tillit og respekt, og anerkjenne at barndomen har ein eigen verdi. Barnehagen skal vere ein trygg og utfordrande stad der barn kan trivast, leike, lære og få vere ein del av eit fellesskap.

Barnehagen skal fremme demokrati og likestilling, og motarbeide all form for diskriminering.

Verkeområdet til vedtektene er å gi informasjon som er viktig for foreldra sitt forhold til barnehagen.

Sunnfjord kommune sine vedtekter for kommunale barnehagar inneheld generelle reglar om drift og opptak. Kommunestyret, eller den som har fått delegert ansvar, kan endre vedtektene.

§ 2. EIGARFORHOLD

- **Innspel: 1** (før høyringsperioden)
- **Vurdering av barnet sitt beste:**
 - Ikkje konkret trekt fram
- **Endring:**
 - Tatt bort namna til barnehagane

Sunnfjord kommune eig og driv dei kommunale barnehagane.

Det er kommunedirektøren som er ansvarleg for drifta i dei kommunale barnehagane.

§ 3. MEDVERKNAD

- **Innspel: 1**
 - Konkretisering av SU i oppveksttun
- **Vurdering av barnet sitt beste:**
 - Får rett til medverknad
 - Tråd med barnekonvensjonen artikkel 3
 - Styrkar stemma til barn
- **Endring:**
 - Lagt til eit åttande ledd

Barn har rett til medverknad ut frå alder og føresetnadar, og barn sitt syn skal leggjast vekt på i barnehagen si daglege verksemd, jf. barnehagelova § 3 første ledd.

Barnehagen skal ha eit:

- a. foreldreråd
- b. samarbeidsutval

Foreldreråd består av alle foreldre i barnehagen. Foreldrerådet sine oppgåver er:

- a. fremme fellesinteressene til foreldre
- b. fremme samarbeid mellom foreldregruppe og barnehage for å skape eit godt barnehagemiljø
- c. kjennskap til og uttale seg om saker som er viktig for foreldra sitt tilhøve til barnehagen
- d. ved avstemming tel ei stemme for kvart barn og vanleg fleirtalsvedtak gjeld.

Samarbeidsutvalet består av to representantar frå foreldrerådet, to representantar frå tilsette og eit medlem oppnemnt av eigar.

Samarbeidsutvalet er eit rådgjevande, kontaktskapande og samordnande organ.

Styrar/einingsleiar er sekretær for samarbeidsutvalet med møte-, tale- og framleggsrett.

Styrar/einingsleiar har ansvar for at samarbeidsutvalet blir konstituert.

Barnehagar og skular som er samlokalisert eller eit oppveksttun kan ha felles samarbeidsutval. Samansetninga av samarbeidsutvalet skal settast saman etter § 4 i barnehagelova tredje ledd, men slik at foreldre og tilsette frå både barnehage og skule skal vere representert, jf. opplæringslova § 10-4 første ledd.

§ 4. BARNEHAGEPlass

- **Innspel: 12**
 - Delt – støttar/støttar ikkje
 - Deltidsplass viktig for enkelte grupper
 - Mindre attraktive
- **Vurdering av barnet sitt beste:**
 - Ikkje konkret trekt fram
- **Vurdering**
 - 20/1 212 som har deltidsplass
 - Sett til andre kommunar
 - Endra til normalt – gir ei opning for deltidsplass
- **Paragraf:**
 - Endra ordlyden i paragrafen til tilbyr normalt 100 %...
 - Lagt til 2 nye ledd

Sunnfjord kommune tilbyr normalt følgende type plassar:

- a. 100 % plass

Dersom det ligg føre tungtvegande grunnar for at barn bør ha ein deltidsplass, vil dette bli vurdert individuelt. Foreldre må sende søknad og legge fram dokumentasjon som underbygger behovet. Opptaksmynde vil gjere ei fagleg vurdering i kvart enkelt tilfelle.

Foreldre kan søke om deltidsplass etter desse vilkåra:

- a. Økonomi
- b. Familiesituasjon
- c. Helsesituasjon

§ 5. RETT TIL BARNEHAGEPLASS

- **Innspel: 1**
 - Utdjuping – kva ligg i «tydlegare spesifisering»
- **Vurdering av barnet sitt beste:**
 - Ikkje konkret trekt fram
- Paragrafen er uendra

Barn som fyller eitt år seinast innan utgangen av august det året det blir søkt om barnehageplass, har rett til barnehageplass frå august, jf. barnehagelova § 16 første ledd.

Barn som fyller eitt år i september, oktober og november det året det blir søkt om barnehageplass, har rett til plass i barnehagen frå den månaden barnet fyller eitt år, jf. barnehagelova § 16 andre ledd.

Barn som er busett i kommunen har rett til barnehageplass. Adresse i kommunen må vere på plass før barnehageplassen blir tatt i bruk.

Dersom barnet er busett i ein anna kommune enn Sunnfjord kommune må det vere inngått ein avtale om finansiering av barnehageplassen mellom Sunnfjord kommune og bustadkommune. Dersom Sunnfjord kommune ikkje får avtale om finansiering av barnehageplassen mister barnet plassen.

§ 6. BARNEHAGEOPPTAK

- **Innspel: 4**
 - Støttar fristen
 - Ønsker å vidareføre kontinuerleg opptak
 - Viktig for fleksibilitet og rekruttering
- **Vurdering av barnet sitt beste:**
 - Ikkje konkret trekt fram
- **Vurderingar:**
 - Kontinuerleg opptak i strid med politisk vedtak
- Paragrafen er i hovudsak uendra – ei presisering

I Sunnfjord kommune blir det gjennomført samordna barnehageopptak for alle godkjente barnehagar, både kommunale og private barnehagar, jf. barnehagelova § 17.

Det blir gjennomført eitt barnehageopptak våren kvart år. Søknadsfristen for å søke om barnehageplass er 1. februar. Fristar og rutinar blir publisert på heimesida til kommunen.

Tildeling av plassar blir gjennomført i februar/mars. Når du får tildelt plass gjeld det frå august det året barnet startar i barnehagen til barnet startar på skulen. Plassen er bindande til den blir sagt opp eller til barnet startar på skulen. Barnehageåret er frå skulestart i august til skulestart i august året etter.

Søknadar som kjem inn etter fristen, blir behandla etter dei som har søkt innan fristen, og oppfyller kravet til rett til barnehageplass. **Barn som har lovfesta rett og som søker etter fristen** får tilbod i barnehagar som har ledig plass.

§ 7. OPPTAKSKRETS

- **Innspel: 11**
 - Kritikk til heile Sunnfjord
 - Prioritet i eigen skulekrins
 - Bekymring for lang reiseveg
 - Nokre støttar framlegget
- **Vurdering av barnet sitt beste:**
 - Ikkje konkret trekt fram
- **Vurdering:**
 - Sett til andre kommunar
 - Utfordrande å avgrense til skulekrins
 - Maksgrense for avstand
 - Dei fleste får innfridd 1. eller 2. valet
- Paragrafen er uendra

Sunnfjord kommune er opptakskrets i barnehageopptaket.

§ 8. OPPTAKSKRITERIUM

- **Innspel: 0**
- **Vurdering av barnet sitt beste:**
 - Barn med nedsett funksjonsevne og barnevern blir prioritert
 - Sikrar – sårbare barn får tilbod
 - Utfordringar – utøve skjønn
- Paragrafen er uendra

Barnehageplass blir i hovudsak tildelt etter alder, men det er nokre unntak, jf. andre ledd i vedtektene. Det kan bli gjort ei vurdering etter skjønn ut frå punkta under: jf. § 9 Opptaksmyndighet:

- a. Fordeling av barn med spesielle behov
- b. Prioritering av søsken
- c. Omsyn til barnegruppa si samansetning

Grupper som blir prioritert i barnehageopptaket:

- a. Barn med nedsett funksjonsevne. Det må utarbeidast ei sakkunnig vurdering som vurderer om barnet har nedsett funksjonsevne, jf. barnehagelova § 18 første ledd.
- b. Barn det er fatta vedtak om etter barnevernslova § 5-1 første ledd bokstav a og d, §§ 3-1 og 3-4 første ledd bokstav b, jf. barnehagelova § 18 andre ledd.

Barn som søker plass etter andre ledd må legge ved dokumentasjon frå sakkunnig instans som barnevern, helsestasjon, lege eller PPT.

Private barnehagar har eigne opptakskriterium. For å sjå kva opptakskriterium som gjeld, sjå i vedtektene til den private barnehagen. (Private barnehagar i Sunnfjord kommune)

§ 9. OPPTAKSMYNDE

- **Innspel: 0**
- **Vurdering av barnet sitt beste:**
 - Utfordring å utøve skjønn
 - Transparent – sikre rettstryggleik
- **Vurdering:**
 - Ha eit system som sikrar rettstryggleiken
- Paragrafen er uendra

Det er kommunedirektør og barnehagemyndigheit som tildeler kommunale plassar og plassane som kommunen disponerer i private barnehagar.

Opptaksmyndigheit kan utøve skjønn ved fordeling av barn mellom barnehagane, jf. § 8 i vedtektene.

§ 10. SAKSBEHANDLING

- **Innspel: 0**
- **Vurdering av barnet sitt beste:**
 - Legg opp til god saksbehandling
 - Ingen potensielle utfordringar
- Paragrafen er uendra

Tildeling av barnehageplassar er eit enkeltvedtak og skal behandlast etter forvaltningslova sine reglar om enkeltvedtak etter (kapittel IV-VI).

Du får tilsendt eit enkeltvedtak om tildeling og når barnet kan starte i barnehagen. Enkeltvedtaket skal innehalde, jf. saksbehandlingsregler ved opptak i barnehage § 3:

- a. kva barnehage du har fått tilbod i
- b. rett til å få grunngjeving for avgjerda
- c. rett til klage
- d. klagefrist

Retten til å få orientering, jf. andre ledd, gjeld for søkarar som har søkt om barnehageplass innan søknadsfristen til kommunen.

Dei som har rett til å få grunngjeving for avgjerda til kommunen er søkarar som har fått avslag på søknaden og dei som ikkje har fått tilbod om første eller andre ønske til barnehageplass oppfylt. Retten gjeld dei som har søkt innan søknadsfristen til kommunen.

§ 11. ENDRING AV BARNEHAGEPLASS

- **Innspel: 3**
 - Skepsis til permisjon – fødselspermisjon for ein av foreldra
 - Betalingsfri ved alvorleg sjukdom
 - Permisjon – kalenderåret
- **Vurdering av barnet sitt beste**
 - Trekt fram potensielle utfordringar
 - Barnehageplassen tildelt til andre barn – ikkje garanti
 - Skape utryggleik for barnet
 - Kan vere i strid med kontinuitet og tryggleik
- **Vurdering:**
 - Permisjon kontra betalingsfri
 - Fylle opp plassane
 - Ordning i ordna former
- **Paragraf:**
 - Tatt bort permisjon- fødselspermisjon for ein av foreldra

Søkarar som har barnehageplass i kommunale barnehagar som ønsker å byte til annan kommunal eller privat barnehage, må søke på nytt ved barnehageopptaket og blir vurdert som nye søkarar.

Foreldre kan søke om permisjon **for eitt barnehageår** etter desse vilkåra:

- a. alvorleg sjukdom hos barnet

Barnehageplassen kan bli tildelt eit anna barn i permisjonsperioden. Barnet er garantert barnehageplass i Sunnfjord kommune, det er ikkje garantert at barnet får tilbake plass i same barnehage etter permisjonen.

Permisjonen blir normalt innvilga for eitt år frå barnehageåret startar til og med 31. juli.

§ 12. OPPSEIING AV BARNEHAGEPLASS

- **Innspel: 0**
- **Vurdering av barnet sitt beste:**
 - Potensielle utfordringar knytt til oppseiing 30. april og betale ut barnehageåret
 - Økonomisk spørsmål - Påverke familiane sin fleksibilitet – indirekte tilbodet til barnet
 - Vurdere om barnet blir tatt ut tidlegare enn ønska
- **Vurderingar:**
 - 30. april
- Paragrafen er uendra

Plassen er bindande til plassen blir sagt opp skriftleg eller når barnet startar på skulen. Du treng ikkje sende skriftleg oppseiing dersom barnet nyttar barnehageplassen til skulestart.

Oppseiingstida er på tre månadar, oppseiingsmånaden og dei to påfølgande månadane.

Dersom barnehageplassen blir sagt opp etter 30. april er det betaling for barnehageplassen resten av barnehageåret.

Dersom barnet flyttar frå kommunen i løpet av barnehageåret kan barnet behalde barnehageplassen ut barnehageåret. Frå nytt barnehageår har ikkje barnet barnehageplass i kommunen utan avtale med kommunen barnet er busett i, jf. § 5 fjerde ledd i vedtektene.

§ 13. BETALING FOR BARNEHAGEPLASS

- **Innspel: 7**
 - Makspris fastsett av kommunestyret
 - SU gjere vedtak om lågare sats
 - Matboks kan føre til sosial ulikskap
- **Vurdering av barnet sitt beste:**
 - Økonomisk spørsmål - Påverke familiane sin fleksibilitet – indirekte tilbodet til barnet
- **Vurdering:**
 - Kommunestyret
 - Definert måltida i maksprisen
- **Paragrafen:**
- Endra – kommunestyret fastset makspris

Betaling for barnehageplass og søskenmoderasjon blir regulert gjennom barnehagelova § 20 og gjeldande forskrift om foreldrebetaling i barnehager. Sunnfjord kommune følger nasjonale satsar for barnehageplass og søskenmoderasjon.

Det er betaling for barnehageplass i 11 månadar per år. August er betalingsfri måned.

Dersom barnehageplassen blir sagt opp må ein betale for oppseiingsmånaden og dei to påfølgande månadane.

Sunnfjord kommune følger nasjonale ordningar for reduksjon i foreldrebetaling, jf. forskrift om foreldrebetaling i barnehager §§ 3-3e.

Foreldre kan søke til kommunen for å få redusert foreldrebetaling. Vedtaket gjeld frå månaden etter at kommunen har motteke søknaden. Urette opplysningar kan medføre at ein må betale ordinær barnehagesats.

Kommunestyret fastsett ein makspris for betaling for mat i barnehagane årleg. I maksprisen er det tilbod om 3 måltid, frukost, lunsj og frukt. Dersom barnehagar har eit anna tilbod skal samarbeidsutvalet fastsette eigen sats for mat i barnehagen. Betaling for mat skal dekke kostpris.

Dersom barnet blir henta etter stengetid må foreldre betale eit gebyr for kvar påbegynte halvtime. Gebyret blir fastsett av kommunestyret.

§ 14. OPNINGSTIDER OG FERIE

- **Innspel: 11**

- Kritikk mot stenging ved færre enn 6 barn
- Ferieuttak i sommarferien til skulen
- Bekymring for stress, utryggleik og logistikk
- Nokre ønsker faste ferieveker
- Tidlegare frist for å melde frå

- **Vurdering av barnet sitt beste:**

- Flytting – bryte med tryggleik og stabilitet for barnet
- Utfordrande for barn med særleg behov
- Påverke barnet sitt beste negativt

- **Vurdering:**

- Sett til andre kommunar
- Endra innhaldet
- Siste ledd – få med SU
- Nærleiken – gjeld sommaren

Kommunale barnehagar har ope frå måndag til fredag.

Barnehagetilbodet blir organisert innanfor ei dagleg opningstid på maksimum 10 timar. Kommunedirektøren fastsett opningstida til kvar barnehage.

Barnehagane er stengt desse dagane:

- a. Offentlege helge- og høgtidsdagar
- b. 24. desember
- c. 31. desember
- d. Onsdag før påske stenger barnehagen kl. 12:00
- e. 5 planleggingsdagar i løpet av barnehageåret, fastsett av barnehageeigar

Barn i barnehagen skal som hovudregel ha fire veker ferie kvart år.

Minimum tre veker skal vere samanhengande innanfor ramma til skulen sin sommarferie – om lag 20. juni til 18. august.

Foreldre melde frå til styrar om barnet sin ferie innan 1. april.

Kommunale barnehagar stenger tre samanhengande veker i juli. Alle barnehagar skal ha stengt i veke 28 og 29. Styrar i barnehagen avgjer saman med samarbeidsutvalet om den tredje veka barnehagen har stengt skal vere i veke 27 eller veke 30.

Barn som har behov for eit tilbod om barnehageplass når dei kommunale barnehagane har stengt kan få eit tilbod i Nærleiken barnehage. Dersom vi skal tilby barnehageplass må det minimum vere 6 barn som har behov for plass. Det må søkast til kommunen og grunngje kvifor barnet treng å ta ut ferie på eit anna tidspunkt innanfor sommarferien til skulen.

Etter vurdering frå styrar kan barnehagen ha stengt i romjula og/eller måndag, tysdag og onsdag i påskeveka, dersom tal påmeldte barn er lågare enn 6 barn. Det kan også bli redusert opningstid.

§ 15. AREALNORMER

- **Innspel: 11**
 - Motstand mot reduksjon
 - Bekymring for større grupper, støy, uro og svekka kvalitet
 - Behalde lokal norm
 - Kan svekke arbeidsmiljø og føre til sjukefråvær
- **Vurdering av barnet sitt beste:**
 - Ikkje konkret trekt fram
- **Vurdering:**
 - Sett til andre kommunar
 - Må ta omsyn til fleire forhold – storleik på grupper
 - Tilsyn – forskrift om helse og miljø...
 - Handlingsrom

Følgande arealnормer gjeld for kommunale barnehagar:

- a. 5,3 kvm per barn 0-2 år
- b. 4 kvm per barn 3-6 år
- c. Uteareal skal vere 6 gonger større enn godkjent leike- og opphaldsareal inne.

§ 16. TILSETTING

- **Innspel: 1**

- Omtalar minstekrav, lite om forsvarleg drift i sårbare situasjonar
- Utfordringar ved opning/stenging, levering/henting, møte, pausar og fråvær

- **Vurdering av barnet sitt beste:**

- Overgang til skule – plikt til å samarbeide
- Ikkje potensielle utfordringar

- **Vurdering:**

- Krava er eit minimumskrav – sikrar at vi ikkje er under
- Hindrar ikkje at bemanninga kan vere større
- Samsvar med lovkrava

- Paragrafen er uendra

Tilsette i dei kommunale barnehagane er tilsett i Sunnfjord kommune. Bemanninga i barnehagen skal vere i tråd med barnehagelova §§ 24-26.

Alle som arbeidar og oppheld seg regelmessig i barnehage skal legge fram politiattest, jf. barnehagelova § 30.

Alle tilsette i barnehagen har teieplikt etter forvaltningslova §§ 13-13g, jf. barnehagelova § 44.

Alle tilsette har opplysningsplikt til den kommunale helse- og omsorgstenesta og sosialtenesta og barnevernet, jf. barnehagelova §§ 45-46.

Barnehagen har plikt til å samarbeide med skulen om overgang frå barnehage til skule og skulefritidsordning, jf. barnehagelova § 2 a.

§ 17. FORSIKRING

- **Innspel: 0**
- **Vurdering av barnet sitt beste:**
 - Styrkar tryggleiken for både barn og foreldre
 - Ikkje potensielle utfordringar
- Paragrafen er uendra

Barn som har barnehageplass i kommunale barnehagar er forsikra i:

- a. opphald i barnehagen
- b. aktivitetar i regi av barnehagen
- c. reise til og frå barnehagen

§ 18. INTERNKONTROLL

- **Innspel: 0**
- **Vurdering av barnet sitt beste:**
 - Ikkje konkret trekt fram
- Paragrafen er uendra

Kommunale barnehagar skal ha internkontroll i samsvar med barnehagelova § 9.

§ 19. IVERKSETTING OG OPPHØYR

- **Innspel: 0**
- **Vurdering av barnet sitt beste:**
 - Ikkje konkret trekt fram
- Paragrafen er uendra – ein formalitet

Dei kommunale vedtektene trer i kraft 1. januar 2026.

Vedtektene erstattar tidlegare versjon av kommunale vedtekter i Sunnfjord kommune som blei vedteke 11. desember 2019.